

ያኑሲ ማደም ዳኪንቴ ጳጳሮሴኮ ላምዓሳ ኪሊቶ ዓይያ ካሮ

ያኑሲ ማደም ዳኪንቴ፣ ጳጳሮሴኮ ሃና ላምዓሳ ኪሊታ ፃጵፒንቴህ፣ ደማ ደማ ቤዘይዳ ሚናኦ ዎደና ዓኣ ዩሱሴ ጉሙርቁ ጎናሲ ዔኬዘንሚምኩ። ኪሊቴሎኮ ጳጳሪ ማሊያ ሉኡዙሞና ዔርዘያ ማዔዘንሚኮ ዔርዘያ ዛሎና ሙኩ ፑርቶ ማደ ማኪ ዒፃያኩ። ዩያ ሜታሂኮ ጳጳሪ ማዓንዳኔ ጌይንቲ ማሊንታሂ ዩሱሴ ፔ ዓኣፖና ዛጌዘንሚና ዒ ዔርዘ ዎደና ፔ ዎኖና ዎይዜ ዓሳ ዔርዜ ባኮይዳፓ ያኑሲና ጎዳ ዩሱሴ ኪሪሰቶሴና ዛሎ ኮይሳ ዔራቶ ዳንቁሂኩ። ሃና ኪሊቶ ፃጵፒ ዓሂ ባሼ ዔርዘኒ ማሊሂ፡- «ኪሪሰቶሴ ላሚ ሙኩሞሴ» ጋዓ ሉኡዙሞ ሃይሶ ዛሎኩ፤ ዩያ ዛሎ ዒ ኬኤዘያ ኪሪሰቶሴ ማዒ ሙኪያ ኔጋሂ ዓሲ ቢያ ጎሜይዳፓ ማዓንዳጉዲ ያኑሲ ኮዓሂሮ፤ ሃሃ ዓይጎ ዓሲያ ባይቃንዳጉዲ ዒ ኮውሞኣሂሮኬ ጋዓ።

ማፃኣፔላ ዲማ ዲማ ዓርቁ ባኮ

- ዓይያ ካሮ (1:1-2)
- ዩሱሴ ጉሙርቃ ዓሳ ናንጋንዳ ጎይሂ (1:3-21)
- ሉኡዙሞና ዔርዘ ዓሶ ዛሎ (2:1-22)
- ኪሪሰቶሴኮ ማዒ ሙኪያ ዛሎ (3:1-18)

1 ዩሱሴ ኪሪሰቶሴም ማዳያ ማዔሂና ዒዛ ማደም ዳኪንቴ ሲሞኦኔ ጌይንታ ጳጳሮሴይዳፓ፡-

ኑ ያኦዛሂና ኑኡኮ ጳጳሪሂ ዩሱሴ ኪሪሰቶሴፓ ጳጳሪ ዒሎሞ ዛሎና ኑ ዳንቁ ጉሙርቁያጉይያ ማዔ ቦንቲንቴ ጉሙርቁያ ዳንቁዘንሚም፤

2 ያኑሲ፤ ሃሃ ኑ ጎዳሂ ዔሪሂና ሃሃ ዒዛይዳፓ ማዔ ያኑሲኮ ኮሹሞ ዒንጊያና ኮሹሞና ዒንሂም ዲቦንጎ።

ያኑሲኮ ዔኤሊያና ዶኦሪያና

3 ፔ ቦንቶና ሃሃ ፔ ኮሹሞና ኑና ዔኤሊሂ፡ ዒዛ ኑ ዔሪሂሮ ናንጊንታ ጎኔ ዓናና ዓሲ ማዒሂንታም ኮይሳ ባኮ ቢያ ፔኤኮ ያኑሴሞ ዎልቆና ኑም ዒንጊኔ። 4 ዩንሂ ኑም ዒንጊንቴ ባኮንሂ ዛሎና ሳይዳ ዓኣ ፑርቶ ሱኡኮይዳፓ ዔቁያና ማሊያ ላቢሳ ባኮይዳፓ ዒንሂ ቶሊ፣ ያኑሲ ናንጋ ጎይያጉዲ ዒንሂያ ናንጋያ ማዓንዳጉዲ

ቦንቸንጉይና ሃሣ ሚርጌና ጳጳሪ ማዕፄ ሃገ ማዕንዳ ዋዘ ኑም ዒዚ ዒንጌጌ። 5 ዬያ ዛሎሮ ጌዒጋጋ ሃይጋ ለካ ጋይዲንታ ባካ ዒንሣም ቃሰንታንዳጉዲ ኮዑዋቲ፤ ያኦሲ ጉሙርቁሣዳ ኮሹዋ፡ ኮሹዋይዳ ዔራቶ፡ 6 ዔራቶይዳ ፔና ቆለሣ፡ ፔና ቆለሣዳ ገቢ ዳንዳዒሣ፡ ገቢ ዳንዳዒሣዳ ዓያናና ዓኣ ዓሲ ማዒሣ፡ 7 ዓያናና ዓኣ ዓሲ ማዒሣዳ ዋለም ዓዳ ጌርሲና ጌሮናጉዲ ማለሣ፡ ጌርሲና ጌሮናጉዲ ዋለም ማለሣዳ ናሹዋ ቃሱዋቲ። 8 ዬንሣ ባኮንሣ ዒንሣዳ ሚርጌና ዓኣቶ ኑ ጎዳሣ ዬሱሰ ኪሪሰቶሴ ዒንሣ ዔሬ ዔራታ ጋሣ ባኣዚ ባኣያና ዓኣገ ዓኣቶዎ ዒንሣ ማሃዓኩ። 9 ዬንሣ ባኮንሣባኣ ዓሲ ጋዓንቴ ሃኩ ዓኣ ባኮ ዛጋኒ ዳንዳዑዎ ዓኣገ ባይቄ ዓሲኩ፤ ሃያኮ ቤርታ ዲቦ ጎሞይዳጋ ማኣሪንቲ ጌኤሽኬሣያ ዒ ዋሌ።

10 ዬያሮ ታ ዒሾንሃ! ታ ሚሾንሃ! ዒንሣኮ ዔኤለንቲያና ደኣሪንቲያ ዔራኒ ሚርጌና ደዲዋቲ፤ ያዲ ዒንሣ ማዕቶ ፔቲታዎ ደቢንታዓኩ። 11 ዬያይዲያና ኑና ዳቂሻ፡ ጎዳ ዬሱሰ ኪሪሰቶሴኮ ናንገና ናንጋያ ማዕ ካኣቲሞይዳ ጌላኒ ጉቤ ቢታንቶ ዒንሣም ዒንገንታንዳ።

12 ዋዚ ሃንሣ ባኮንሣ ዒንሣ ዔራያና ዓርቄ ጎኑሞና ደዲ ናንጋያ ማዕቶዋ ዬያቶ ዒንሣም ኬኤዚ ጳቂሥሣ ታ ዋላዓኩ። 13 ታኣኒ ሹምፖና ዓኣዎ ዒንሣ ቢያ ኬሊ ጳቻንዳያ ታና ኮይሳኔ ጌዒ ታ ማላ። 14 ኑ ጎዳሣ ዬሱሰ ኪሪሰቶሴ ታኣም ዳቄ ጎይያና ሃሮ ዓጮይዳጋ ዑኩና ሃይቄ ታ ደማዳንዳሣ ታ ዔራ። 15 ሃሣ ታ ዒንሣም ደዲሽ ኬኤዛሣ ሃይቄ ታ ዒንሣዳጋ ደማዳሣኮ ገንፃጋ ማዕቲያ ዬንሣ ባኮንሣ ዋሉዋዎ ቢያ ኬሊ ዒንሣ ጳቂሣንዳጉዲኩ።

ኪሪሰቶሴኮ ቦንቸን ጳጳሪና ዳንቄ ማርኮንሣ

16 ኑ ጎዳ ዬሱሰ ኪሪሰቶሴኮ ዋልቆና ዒዛኮ ሙኪያ ዛሎ ኑ ዒንሣም ኬኤዛ ዋደና ኑ ኑ ቶኣኪና ዒዛኮ ዒጊቻ ቦንቸን ጳጳሪና ዛገ ማዕንዳኣጋዓቲም ዓሲ ዔራቶና ኬኤዚንቴ ሃይሴ ዓርቂቱዋሴ።

17 «ታና ዋዛሳ፡ ታኣኒ ናሽካ ናዓሣ ታኣኮ ሃያኩ» ጋዓ ዑኡዛ ጳጳሪ ቦንቸንዳጋ ዒዛም ሙኬ ዋደና ያኦሲ ዓዳሣዳጋ ዒዚ ጋላታና ቦንቸን ዔኩ። 18 ዒዛና ዋላ ጌኤዢ ዳኮይዳ ኑ ዓኣዎ ዬና ጫሪንጫጋ ሙኬ ዑኡዛ ኑ ኑ ቶኣኪና ዋይዜ።

19 ዬና ሃሣ ሚርጌና ጎናሳ ያኦሲ ማሊያ ኬኤዛ ዓሶኮ ቃኣላ ኑ ኮራ ዓኣኔ፤ ዬና ቃኣሎ፡- ሳዓ ካሪ ካሪያ ዡኣጋሣያ ዒንሣኮ ዒና ፖዓንዳኣና ዲሚዳ ፖዓ ፖዒጉዲ ሃርገ ዒንሣ ዓርቄ ካፔቶ

1:18 1:18 ማቲ. 17:1-5፤ ማር. 9:2-7፤ ሉቃ. 9:28-35።

ቃራኬ። 20 ቢያ ባአዚኮ ቤርታ ዒንሢ ጳቂሢ ዔራኒ ኮይሳ ባአዚ ጌኤዠ ማፃአፖይዳ ዓአ ፆኦሲ ማሊፆ ዓይጎ ማዔቶዎ ፔቴ ዓሲታፆ ፔ ማሊሢና ቡላኒ ዳንዳዑዎፆ ማዔሢኬ። 21 ዓይጎር ጌዔቶ ጌኤዠ ማፃአፖይዳ ዓአ ፆኦሲ ማሊፆ ቢያ ፔቴታፆ ዓሲ ማሊሢና ኬኤዚንቴያቱዋሲ፤ ጋዓንቴ ዓያና ጌኤሺ ዓሶም ኬኤዜም ዓሳ ፆኦሲዳፓ ዔኪ ኬኤዜያኬ።

2

ሉኡዙሞና ዔርዛ ዓሶ

1 ቤርታአ ዎዶና ዴር ባአኮይዳ ሉኡዙሞና ፆኦሲ ማሊሢ ኬኤዛኔ ጋዓ ዓሲ ዓአሢጉዲ ዒንሢ ባአኮይዳአ ሃሢ ሉኡዙሞ ባኮ ዔርዛ ዓሲ ጴዳንዳኔ፤ ዔያታ ባይሲንታ ባንሢ ዔኪ ዓአዳ ሉኡዙሞ ባአዚ ዔራቶ ዴሜና ዔኪ ጌልዛንዳኔ። ዬያይዲፆና ዔያቶ ሻንቁ ጌኤሺ ጎዳሢታፆ ዔያታ ዔራዋሴ ጌዔም ባይሲንታ ዑኩና ዔያቶ ሄላንዳኔ፤ 2 ዬያ ዛሎና ሚርጌ ዓሳ ዔያቶኮ ቦርሲሳ ማዶ ማዳንዳኔ፤ ዔያቶኮ ዬያ ማዶይዳፓ ዔቁያና ጎኡሞ ጎይፆ ጫሽኪንታንዳኔ። 3 ዬያታ ሉኡዙሞና ዔርዛ ዓሳ ሚኢሺ ዛጊ ጎይቂሢዳፓ ዔቁያና ፔኤኮ ኬሴ ሃይሴ ኬኤዚ ኬኤዚ ዎልቆ ዒንሢሲ ጌሺ ሙዓንዳኔ። ፆዶሲ ዎዶኮ ቤርታፓ ዓርቂ ፑርታ ዎጌ ዔያቶም ጊኢሺንቴ ዓአኔ፤ ባይሲንታ ሃሢ ዔያቶ ጴጪ ካፒ ዓአኔ።

4 ፆኦሲ ጎሜ ማዳ ኪኢታንቸታፆ ዴኤፖ ዲሞይዳ ካኒ ቢራታና ቱኪ ዎጎ ኬሎ ካፓንዳጉዲ ኬኤሬያፓዓቴም ዔያቶም ሚጨንቴባአሴ። 5 ዬያጉዲ ፆኦሲ ሃያኮ ቤርታ ጎሞ ዓሳ ናንጋ ዓጮይዳ ባይሲንቶ ዎአፆ ዔኪ ሙካፆ ጌኤሹሞ ዛሎ ኬኤዛ ኖሄ ላንካይ ዓሲና ዎላ ዓይሴያፓዓቴም ቤርታዳ ዓጮም ዒዚ ሚጨንቴባአሴ። 6 ሃሢ ጊንሣ ጎሜ ማዳ ዓሲም ቢያ ዎጊንቲሢኮ ኮኡኪንሢ ማዓንዳጉዲ ሶዶኦሜና ጋሞኦራና ካታማ ዲሲንሢ ማዓንዳያ ሄላንዳኣና ታሚና ሚቸንቴ ባይቃንዳጉዲ ዎጌ።

7 ዓይሢንቴፆ ዒፆ ዓሶኮ ቦርሲሳ ማዶ ዛጊ ዒኖና ማሊ ማሊ ሜታዲ ናንጋ ጌኤዠሢ፤ ሎኦፆ ጋዓንቴ ዒዚ ዓይሴ። 8 ዓይጎር ጌዔቶ ዬይ ጌኤዠ ዓሢ ዔያቶ ባአካ ናንጋኣና ቢያ ኬሊ ዒ ዛጋ ባኮና ዎይዛ ፑርቶ ማዶ ዛሎና ጌኤሺ ማዔ ሽምፓሢ ዒዛኮ ሜታዴ። 9 ዓካሪ ዬይ ቢያ ያዲ ማዔቶ ፆኦሲ ጎኡሞና ካኣሽኪ ናንጋ ዓሶ ዳቢሳ ባአዚዳፓ ዓይሲ፤ ሃሢ ጎሞ ዓሶ ሜታሲ ዎጎ ኬሎ ሄላንዳኣና

2:5 2:5 ማዢ. ማፆ 6:1—7:24። 2:6 2:6 ማዢ. ማፆ 19:24። 2:7 2:7 ማዢ. ማፆ 19:1-16።

ጌሢ ወይቲ ካፓንዳቲያ ያኦሲ ዔራኔ። 10 ባሼ ዩኖ ዒኢሳያ ማዔ ዓሶ ማሊያ ሱኡኮ ኩንሣዞንሢና ያኦሲኮ ዔራቶ ቦሃዞንሢና ወገም ዒዚ ካፒ ጌሢኔ።

ዩያታ ሉኡዙሞ ባኮ ዔርዛ ዓሳ ጫርቃያና ያቶርቃያና ማዔሢሮ፣ ጫሪንጫ ወልቄና ዓኣ ማዢንቶ ጫሽካኣና ዔያታ ዒጊጩዋሴ። 11 ያኦሲኮ ኪኢታንቻ ዔያቶይዳፓ ወልቄና ቢታንቶና ባሻያ ማዔቶዋ ጎዳ ቤርቶይዳ ጫሪንጫ ቢታንታ ዓኣዞንሢ ጫሽኩዋሴ። 12 ዩያታ ሉኡዙሞ ባኮ ዔርዛ ዓሳ ጋዓንቴ ፔኤሮ ማሊ ዒና ዔኪ ዔራቶ ጫሺ ጫሽካኔ፤ ዔያታ ፒሮና ዓርቂንቲ ባይቃኒ ሾይንቴያ፣ ሃሣ ፔ ሹና ዓይሣ ጎይያ ኩንሣያ ዒናባኣ ካዮ ቦገጉይያኩ፤ ዩያሮ ዔያታ ካዮ ቦዓ ባይቃሢጉዲ ባይቃንዳኔ። 13 ዔያቶኮ ፑርቱሞ ዘሎም ዒንጎ ዎጎ ዔያታ ዔካንዳኔ፤ ዔያቶኮ ዎዛ ቢያ ኬሊ ዓሲ ማሊሢም ኮይሳ ባኮ ኩንሥሢኬ፤ ጌሻያ ማዔ ዓሲም ኮይሳ ባኮና ቢያ ኬሊ ዎዛዳያታዎ ዒንሢ ናሹሞና ሙዓ ሙዎ ቤዞ ዓኣዲያና ዒንሢ ቦርሲሳያኩ። 14 ጎሜ ማዲሢዳፓ ጊንሢም ጎውዋናና ማቾ ሃሣ ዓኒ ማዒባኣ ዓሲና ላሂሢ ሌሊ ዛጋ ዓኣፒ ዔያቶኮ ዓኣኔ፤ ደዲ ዔቂባኣ ዓሶዎ ዔያታ ደቢሻኔ፤ ሃሣ ማኢሹ ዛጊ ጎጋይቃሢ ዔራ ዒኔ ዔያቶኮ ዓኣኔ፤ ዩያሮ ዔያታ ጋዳንቂንቴ ዓሲኬ። 15 ዔያታ ፒዜ ማዔ ጎይያ ሃሽ ፑርቶ ማደሮ ዒዛም ዒንጎ ቦንቾ ማዔ ማኢሾ ናሽኬ፣ ቢያሬ ናኣዚ፣ ባኣላኣሜ ጎይያ ማዓ ዓኣዲ ደቢንታኔ። 16 ያኦሲ ማሊያ ኬኤዛ ባኣላኣሜ ጋዓንቴ ዒዚ ማደ ጎሞ ዘሎ ቆዳንቴኔ፤ ሃሣ ጌሰቲ ዔራቶ ሃሪሰኬና ዓሲ ዑኡሲና ዒዛም ኬኤዚ ዒዛኮ ዣኣሹሞ ማደ ላኣኔ።

17 ያኣታ ዓሳ ዓልቃያታዎ ሚጩ ዎርዚጉይያኩ፤ ሃሣ ዢባሪ ሃዒ ዔኪ ዓኣዳ ሻኣሪጉይያኩ፤ ዩያሮ ዔያቶ ሻኔ ደሚ ካፒ ዓኣኔ። 18 ዓይጎሮ ጌዔቶ ዣኣሊ ናንጋ ዓሶ ባኣካፓ ኬሰኪ ሙኬዎ ናንጊባኣ ዓሶም ጉሪ ማዔ ዴኤፒ ሃይሴ ኬኤዚ ኬኤዚ ማቾ ሃሣ ዓኒ ማዒባኣ ዓሲና ላሂ ዓሲ ማሊሢ ሱኡኬ ኩንሣ ጎይሢና ዔያቶ ጌሻኔ። 19 ጊንሣ፡- «ጎሜ ዓይላቶይዳፓ ዒንሢ ኬሰካንዳኔ» ጌዒ ጌዒ ዓሶም ሃጊ ማዓንዳ ዎዛ ዒንጋኔ። ዔያታ ጋዓንቴ ፔ ቶኣኪና ጎሜኮ ዓይሌኬ። ዓይጎሮ ጌዔቶ ዓሲ ባሺንታዎ ባሺሢም ዓይሌ ማዒ ቆሊንታኔ። 20 ኑ ጎዳሢ፣ ኑና ዳቂሹ ዩሱሰ ኪሪሰቶሴ ዔሪ ጎይይዳ ዒኢሳ ባኮይዳፓ ቶላዎ ጊንሣ ዩኖ ዒኢሳ ባኮና ዓርቂንቲ ዔያታ ባሺንቴቴ ቤርታኣሰካፓ ዑሣ ጊንፃኣሲ ዔያቶም ባሺ ፑርታንዳኔ፤ 21 ዓይጎሮ ጌዔቶ ጌኤኮ ጎይያ ዔሪ ዔያቶም

2:16 2:16 ፓይ. ማፃ 22:4-35።

ዲንጊንቴ ደማጳ ዓይሢያ ሃሺ ጊንሢሞ ማዓሰካፓ ቤርታ ዔያታ ጌኤዠ ጎይያ ዔሩዋያ ዓቴቶ ቃራታዎኬ። 22 «ካኒ ጮኦሽኬ ጮኦኦዠ ጊንሢ ሙዓኔ» ዩያጉዲ ሃሢ «ጉዲንሢ ዑያ ማሰቴሰካፓ ጊንሢ ጳቃሌይዳ ኮላዳኔ» ጌይንቴ ኬኤዚንቴ ኮኦኪንሢ ዔያቶይዳ ጎኔ ማዒ ኩሚኔ።

3

ጎዳ ዩሱሴኮ ላሚ ሙኪያ ዛሎ

1 ታ ዒሾንሃ! ታ ሚሾንሃ! ሃይ ታ ዒንሢሞ ፃኣፓ ላምዓሲ ኪኢታኬ፤ ላምዓ ኪኢቶ ታ ዒንሢሞ ፃኣፔሢ ሃንሢ ባኮንሢ ዒንሢ ጳቂሳንዳጉዲና ፒዜ ማሊሢ ዓኣያ ማዓንዳጉዲ ዒንሢ ጳቻኒ ጌዒኬ። 2 ሃያኮ ቤርታ ያኦሲ ማሊያ ኬኤዛ ጌኤዠ ዓሳ ኬኤዜ ቃኦሎ፤ ዩያጉዲ ዳኪንቴ ዓሶ ዛሎና ዒንሢ ዴንቄ ኑ ጎዳሢ። 3 ሃሢ ኑና ዳቂሾሢካኮ ዓይሢያዎ ዒንሢ ጳቂሢንዳጉዲ ታ ኮዓኔ። 3 ሃሢ ቢያ ባኦዚኮ ቤርታ ዩያ ባኮ ጳቂሱዋቴ፤ ዩይ ዓይጎዳይ ጌዔቶ ፓፒንያ ኬሎና ኮሃ ዓሲና ፔኤኮ ፑርቶ ሱኡኮ ሌሊ ኩንሢ ጌሻ ዓሲ ሙካንዳኔ፤ 4 ዔያታ ሙካዎ፡- « ጎዳ ዩሱሴ ሙካንዳኔ» ጌይንታ ዋዛ ዒንጊንቴባኣዳዳ? ሂዳዎ ሃሢ ዋካ ዓኣይ? ኑኡኮ ቤርታ ዓድንሢ ሃይቄሰካፓ ዓርቃዎ ቢያ ባካ ማዠንቶኮ ዓይያይዳፓ ሃኖ ሄላንዳኣና ዓኣማ ጉዴያኬ» ጋዓንዳኔ። 5 ዩያታ ዓሳ ሚርጌ ዋዴኮ ቤርታ ሳዎንታ ጫሪንጮንታ ያኦሲ ቃኦሎና ማዠንጉቴሢ ሳዚ «ኑ ዔሩዋሴ» ጋዓንዳኔ፤ ሳዓ ማዠንጉቴሢ ዋኣሢ ባኦካፓ፤ ሃሢ ዋኣሢና ማዠንጉቴሢ «ዔሩዋሴ» ጋዓንዳኔ። 6 ቤርታዳ ሳዓ ዩያይዲያና ዋኣሢና ዔኤዲንቴ ባይቄኔ። 7 ሃሢ ዓኣ ጫሪንጮንታ ሳዎንታ ዓይሢንቶ ዒያ ዓሳኣ ባይቃንዳ ፓፒንያ ዋጎ ኬሎ ሄላንዳኣና ዩያ ያኦሲ ዋልቆና ታሚሞ ካፒንቴ ዓኣኔ።

8 ዒጊኖንሢዮቴ! ዒንሢ ጋዓንቴ ጎዳሢ ኮራ ፔቴ ኬሊ ሺያ ሌዔ። ሺያ ሌዔ ፔቴ ኬሊጉዴያ ማዔሢ ዩማ ፔቴ ባኣዚ ዋሊፖቴ።

9 ፔቴ ፔቴ ዓሰም ናጋያ ማላሢጉዲ ጎዳ ዩሱሴ ዒዚ ኬኤዜ ሃጊ ማዓንዳ ዋዛ ቃኦሎ ኩንሢኒ ናጊንዲዋሴ፤ ጋዓንቴ ዓሲ ቢያ ጎማፓ ማዓንዳጉዲና ሃሢ ፔቴታዎ ዓሲ ባይቁዋጉዲ ዒንሢ ዛሎር ጌዒ ዒዚ ጊቢ ካፓኔ።

10 ጎዳሢኮ ኬላ ጋዓንቴ ዉሲጉዲ ዔሩዋንቴ ሙካንዳኔ፤ ዩኖ ኬሎና ጫሪንጮ ዴኤፒ ዑኡሲና ዓኣዳንዳኔ፤ ጫሪንጮ ማዠንጉታኣ

2:22 2:22 ኮኦኪ. 26:11። 3:3 3:3 ዪሁ. 18። 3:5 3:5 ማዠ. ማፃ 1:6-9።
3:6 3:6 ማዠ. ማፃ 7:11። 3:8 3:8 ዓይኑ. 90:4።

ቢያ ታሚና ሚቸንቲ ባይቃንዳኔ፤ ሳዖና ሳዖይዳ ዓኣ ባካ ቢያ ሚቸንታንዳኔ፤ 11 ዓካሪ ቢያ ባኣዚ ዩያይዲ ባይቃያ ማዕቴ ሂዳያ ጌኤሹሞና ሃሃ ዓያናና ዓኣ ዓሲ ማዒ ናንገሢ ወይቲ ዒንሢሞ ኮይሱሞ ዓታንዳይ? 12 ዩያሮ ያኦሲኮ ኬላ ሙካንዳሢ ጳቂሢ ካፓያና ዒዚ ዑኩ ሙካንዳሢ ዔሪ ማዳያ ማዑሞቲ፤ ዩኖ ኬሎና ጫሪንጫ ታሚና ሚቸንቲ ባይቃንዳኔ፤ ጫሪንጫ ዓኣ ማዢንታ ታሞኮ ያይዳፓ ዔቁያና ዓልቃንዳኔ፤ 13 ጋዓንቲ ዒሉሞኮ ማኣሪ ማዕ ዓኮ ጫሪንጫና ዓኮ ሳዖና ዒዚ ኬኤዜ ሃጊ ማዓንዳ ወዞ ቃኣሎ ጎይያ ኑ ካፓኔ።

14 ዩያሮ ዒጊኖንሢኦቲ! ዩይ ቢያ ማዓንዳ ኬሎ ካፒሢዳ ዒንሢ ዓኣቶ ቦርሲሳ ባኣዚ ባኣያ ሃሃ ዒንሢ ቦሂሳ ባኣዚ ባኣያ ማዒ ዒንሢ ዓኣንቲ ጎዳ ዒንሢ ኮሺና ሙኪ ዴንቃንዳጉዲ ዶዲ ማዳሞቲ፤ 15 ኑ ጎዳሢ ጊቢ ዴዔሢ ዒንሢ ዳቃንዳጉዲ ጌይ ማዕሢ ዋሊፖቲ፤ ናሽኪንታ ኑ ዒሻሢ ጳውሎሴያ ፔኤም ዒንጊንቲ ዔራቶ ጎይያና ዒንሢሞ ፃኣፔሢ ዩያኬ። 16 ዒዚ ዩኖ ዛሎ ፔ ኪኣቶይዳ ቢያ ሃማ ጎይያ ፃኣፔኔ፤ ዒዛኮ ኪኣቶይዳ ፔቲ ፔቲ ዔራኒ ሜታሳ ባኣዚ ዓኣኔ። ዔራቶ ፓጩ ዓሶና ሴካ ሃንጋ ጌዒ ሺራ ዓሳ ጌኤዢ ማፃኣፖ ማሊያ ዋቢሳሢጉዲ ዩንሢ ባኮዋ ዋቢሳንዳኔ፤ ያዒ ዔያታ ማዳያና ባይቃንዳኔ፤

17 ዒንሢ ጋዓንቲ ዒጊኖንሢኦቲ! ዩያ ቤርታዲ ዔሪሢሮ ዓይሢንቶ ዒፃ ዓሶ ማሊያይዳ ጌሊ ዒንሢ ዶዲ ዔቁ ቤዛፓ ሎኣሙሞጉዲ ኮሺ ዔራሞቲ፤ 18 ቢያፓ ባሼ ኑ ጎዳሢና ኑና ዳቂሻ ዩሱሰ ኪሪሰቶሴኮ ኮሹሞና ዒንጊንታ ዒንጊያና ጊንሣ ዒዛ ዔሪሢሮ ዲጩሞቲ፤ ዒዛም ሃሢያ ሃጊያ ናንጊና ቦንቾ ማያንጎ! ዓኣሜን።

3:10 3:10 ማጉ. 24:43፤ ሉቃ. 12:39፤ 1ጥሱ. 5:2፤ ዮሃ. ያፔዳ 16:15። 3:13 3:13 ዒሲ. 65:17፤ 66:22፤ ዮሃ. ያፔዳ 21:1።

ጌሌዥ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929